

LAŽĪBAS

Kēta karta pri puona bova biednē žmuonis. Ēr bova juomarka rīts. Važiava vēsē juomarka žmuonis – vedē gīvuolius i juomarka. Tuo biedna žmuogaus pati saka sava vīrou:

–Vesk ēr to sava karvelē mainītē i torgo.

Ons ēšvedē karvelē i torgo ēr sotēka žīdelka, kori vedies vuožka. Ēr ons tujau saka:

–Mainīkiau karvelē i vuožkelē.

Vo ta žīdelka atsakē:

–Kēik to nuoriesi pīdu?

Ons pasakē:

–Botelka nuorieso.

Paskou ons ēt, ēt, tou vožkelē vedēns, sotēka žīdelka, kori gaidio nešēna ējē. Saka:

–Mainīkiau vožkelē i gaidi.

Žīdelka tēp atsaka:

–Kēik pīdu nuoriesi?

Ons apēnt pasakē:

–Botelka.

Paskou ons ēt tou gaidelio nešēns. Sotink muotrēška, kori nešies rūgštēniu vuobulū čvertpūri.

Pasiūlē anā keistē gaidi i vuobulus. Ana klaus, kēik nuories pīdu?

Ēr pamatē tuo dvara puons, priējē pri tuo kaimietē ēr saka:

– Kor to ēsi nakvuotē, ka to tuokē ēškada padarē, ka to karvelē ēšmainē i tuokius niekus?

–Mon nakvīnē bus gatava, mon pati nieka nesakīs.

–No, – saka, – lažīnkiauvos, oždedo do šimto robliu, – saka puons.

Tujau anoudo sīda i vežēma, puons komietiaus nebēpalēda, ēr ēšvažiava pri patiuos. Ka parvažiava nomēi, anoudo iējē abodo i



Raganas ousis Plateliū (Plungės r.) parkē. Mukienės Danutės portėgrapėjē

vēdo. Ons pradiejē patē pasakuotē sava atsētēkēma, vo puons klausuos, ar ta pati nesopīks ont sava vīra.

– Mamelē, – saka, – aš ēšmainiau karvelē i vuožkelē.

Ana (ta mamalē) atsakē:

–Gerā, kad ēr ēšmainē. Kēita ēr bova karvelē mēlžtē.

–Vo dabar, – saka, – tou vuožkelē ēšmainiau i gaidieli.

Vo ana atsakē:

–Gerā, tievāli, puonou nebēpavielousiau atsēkeltē, gaidielis ožgēduos ēr tujau kelsva.

–Vo dar, mamalē, – saka, – tou gaidieli ēšmainiau i vuobulū rūgštēniu čvertpūri.

Ana tujau dēdēlē pradžioga:

–Šēndēina kāp tik ejau pri sosiedē rūgštēma prašītē. Sosiedē nedevē. Dabarčīous torieso vobolieliu rūgštīū: praskaninsio bolvīnē – nebēso pri sosiedē.

Tēp tas puons pridiejē do šimto ēr pasakē:

–Tuoks to bepruotis, tuokē ē tava pati bepruotē.

Papasakuojē M. Gudeliauskienē, 70 metu omžiaus, Plungie 1928 m. bērzēlē 10 dēina. Užrašē Mickevičē Juozos



Plateliū (Plungės r.) parkē.
Mukienės Danutės portėgrapėjē